



www.BibleForChildren.org




यूहन्ना 14



“कहेमैंए सैं खैता-खैता आइहाँन्। कहेमैंइ परमेश्वरए फिर
बिश्वास लमुँ, छलेन डए फिरै या बिश्वास लद। डए आबाए
धिंर टिबै कल्हयोमें ल्हें मुँ। इ कहेमैंए ल्हागिर टिबै कल्हयो
तयार लबर हयासिन् मुँ।”




“छ आडिस्याँ डइ कहेमैने चु ताँ आबिमल। ड ह्यासि कहेमैए
ल्हागिर कल्हयो तयार लल् खाँबै लिउँइँ ड धबै युब्मुँ, धै कहेमै
ड डारँ बोयाब्मुँ। झाइले ड टिबै कल्हयोर कहेमै या टिल्
योब्मुँ।”



ड कहेमैँए आघें यूहन्ना ग। येशूए फिर बिश्वास लबइले
कहेमैँइ धौलेन् डज्यैया खैबन् दुःख तलैया डइ
सैदिइमुँ। येशू ख्रीष्टए बारेर ग्वाइ पिंदै


परमेश्वरए ताँ बिप्रबै




लमा म्हिमैँइ डलाइ
मा इयुँइर मुँबै पत्मोस
बिबै कौर च्युथैल।




च तोंदोंन पबित्र प्ल्हजी ड प्लियाइ, धै स्वर्गर
राजगद्दि घि मुँल, चर परमेश्वर व्हुरिल।




छलेन स्वर्गर, पृथ्वीर, क्रौर, मा ड्युँइर, खन्तोंदौन् मुँबै सो
पह्याबै सैमैँइ “राजगद्विर कहँबै परमेश्वर नेरो क्यु चहजलाइ
धन्यबाद, थेबै मान नेरो भौ खोंयोंन्
बिलै तरिगे।” बिसि कवे प्रिंब डइ थेइ।




दिलेया छारा यरूशलेम, “परमेश्वरए पबित्र सहर” प्हेंरोए
ल्हागिर प्हेंस्यो पैरेब् धौले पैरिसि स्वर्गउँइले युरिब डइ म्माँइ।
धै राजगद्दिउँइले थेबै कैले छ बिब डइ थेइ, “तारे परमेश्वर
म्हिमेंने टिब्मुँ, झाइले चमें खीए म्हिमें तब्मुँ। परमेश्वर खीन्
चमेंने तब्मुँ, धै खी चमेंए परमेश्वर तब्मुँ।”



च लिउँई च स्वर्गदूतइ खोंयोंइ आखाँबै छह पिंबै क्यु मुँबै
स्यों डलाइ उँईइ। च स्यों बेल्ले टल्कदिबै तुथु धौले वाँ-वाँ
ब्योंब मुँल। च स्यों परमेश्वर नेरो क्यु च्हजए राजगद्धिउँईले
तहोंसि, सहरए म्हाँजोबै घ्याँ तसि स्यों प्ररिल। च स्योंए रेर
छह पिंबै सिं धुँ मुँल। च धुँर सालबै च्युसे डिहं म्हेनन् च्युसे
डिहं खालबै रोमै रोमल। च सिंधुँए प्हो हें-हेंमैलाइ सल् लबै
ल्हागिर मुँल।



च सहरर मि म्रौबै ल्हागिर त्हिंयाँ नेरो लयाँ आचैदि,
तलेबिस्याँ परमेश्वरए हवे चए फिर चारमुँ, च सहरबै बत्ति
क्यु च्हजन् ग।



दिलेया खोंयोंइ आखाँबै
छह योंल्मैए मिं प्हिबै
क्यु च्हजने मुँबै कितबर
मिं मुँल्मै मत्त्रे च सहरर
होंल् योंल्मुँ। चर आछयाँबै
सैं प्हयाल्मै, छेरन् इहाँबै
के लल्मै नेरो स्योर ताँ
पोंल्मै खाबइ या होंल्
योंरिब् आरे।




“खीजी चमैँण मिग्लि योगुर्ले फ्योमिंळ्मुँ। च त्हेसेरो खाबै
आसि, शोक आत, क्रोब-म्होब नेरो दुःख कष्ट खोंयाँइ या
आत। ओंसोंबै ताँन् सैमैँ म्हयाल् खाँइमुँ।”



तारे पिरु चर खोंयोंइ सराप तरिब आरे। परमेश्वर नेरो क्यु
चहज कहँबै राजगद्दि च सहर न्होंर तब्मुँ। झाइले खीए के
लब्मेँइ खीए मिं क्वेसि खीलाइ फयोब्मुँ। चमेँइ परमेश्वरए लि
म्रौब्मुँ, धै चमेँए इहोर
खीए मिं तब्मुँ।



सियाबमें, थेब, च्योंब ताँन् राजगदिए उँइर रारिब डइ म्रौइ।
परमेश्वरजी कितबमें फैथेंल। सियाबमेंइ सोगों मुँमा तो तो के
लल, च केमें ताँन् च कितबर प्हिथेंल। धै चमेंइ लबै के
इह्योसि परमेश्वरजी निसाफ लमल। (अर्को कितब घि या
खीजी फैइ। च कितबर खोंयोँइ आखाँबै छह
योँबै म्हिमेंए मिं प्हिल।) खोंयोँइ आखाँबै
छह योँबमेंए मिं प्हिबै कितबर मिं
आरेबै म्हिमेंलाइ
परमेश्वरजी च मि
मुँबै होंल्दोंर भ्योँवाइ।



पबित्र प्लह नेरो प्हेंस्योइ खीने बिइमुँ, “यु”। चु ताँ थेबै
म्हिमेंज्यै या छलेन खीने “यु” बिल् त्हुम्। क्यु पिळ्मै क्यु
मूलर खरिगे। छह पिंबै क्यु थुँदा इहाँळ्मैइ छलेन् थुँरिगे।



तलेबिस्‍याँ खीए च्हए फिर बिश्वास
लब्‍में खाबै या नास आतरिगे, बरु
खोंयोंइ आनुबै छह योंरिगे बिसि
परमेश्‍वरजी ह्युलबै म्‍हिमेंने ल्हें
म्‍हाँया लसि खीए घि दे
मुँबै च्ह पिंइ।



रोमी 3:23

तलेबिस्याँ ताँन् म्हिइ पाप लइमुँ, छतसि
खी डार फेनेल् आखाँइमुँ।

रोमी 6:23

तलेबिस्याँ पाप लबमैंइ योंबै नों सिब ग! दिलेया
परमेश्वरजी छलेन पिंबै दान इयोए प्रभु येशू ख्रीष्टउँइले
खोंयोँइ आखाँबै छह योंब् ग।

हिब्रू 9:27

ताँन् म्हिमें तिब्ले सिल् त्हुम्, धै सिबै लिउँइ
परमेश्वरजी लबै इन्साफर राल् त्हुम्।



एफिसी 2:8,9

छतसि परमेश्वरए दयाम्हाँयाइ लमन् वहेमैँए बिश्वासउँइँले
वहेमैँइ मुक्ति योंइमुँ। वहेमैँइ छयाँबै केमैँ लसि चु मुक्ति योंब
आडिं, चुम् परमेश्वरजी छलेन पिंब् ग। छयाँबै केमैँ लसि
म्हिमैँइ मुक्ति योंल् आखाँ। छतसि छयाँबै के लइ
बिसि खाबै या थेब् प्हेँल् आत्हु।

रोमी 10:9,10

तलेबिस्याँ किहइ होंसए सुँइ “येशून् डए प्रभु ग” बिसि अरूलाइ
साक्षि पिंम् बिस्याँ, झाइले “परमेश्वरजी येशूलाइ सिबइले धबै
सोगों लमिँइ” बिसि सैँर बिश्वास लम् बिस्याँ किहइ मुक्ति
योंल्मुँ। तलेबिस्याँ इयोए सैँइ बिश्वास लसिन् इयो परमेश्वरए
उँइँर ठिक ठदिम्, झाइले इयोए बिश्वास लबै ताँ
अरूलाज्यै या बिमिँस्याँ इयोइ मुक्ति योंमुँ।



यूहन्ना 3:16,17

तलेबिस्याँ खीए च्हए फिर बिश्वास लब्में खाबै या नास आतरिगे,
बरु खोंयोँइ आनुबै छह योंरिगे बिसि परमेश्वरजी ह्युलबै म्हिमेंने
ल्हें म्हाँया लसि खीए घि दे मुँबै च्ह पिंइ। तलेबिस्याँ ह्युलबै
म्हिमें दोषि ठदिबर परमेश्वरजी होंसए च्हलाइ कुलब आडिं,
दिलेया चमैलाइ जोगेबर कुल्मिंइ।

१ यूहन्ना 5:11-13

परमेश्वरजी पिंबै ग्वाइ चुन् गः खीजी इयोलाइ खोंयोँइ आखाँबै
छह पिंइमुँ, धै च छह खीए च्हउँइले इयोइ योंम्। खाब्ने परमेश्वरए
च्ह टिमुँ, चइ च छह योंइमुँ, दिलेया खाब्ने परमेश्वरए च्ह आटि,
चइ खोंयोँइ आखाँबै छह आयों। ओ, परमेश्वरए च्हए फिर बिश्वास
लब्में! कहेमैँइ खोंयोँइ आखाँबै छह योंइमुँ बिसि पक्का था सेरिगे
बिसि डइ चु प्हिछया कहेमैँलाइ प्हिब् ग।



यूहन्ना 14; 2 कोरिन्थी 5; दर्शन 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Gorung Central Bible (gvr) © 2020, Wycliffe Bible
Translators, Inc. All rights reserved.

<https://live.bible.is/bible/GVRWBT/MAT/1>

©2026 Bible for Children, Inc.

www.M1914.org

www.bibleforchildren.org

